



HEINRICH TIMMEREVERS
DRJEŽDŽANSKO-MIŠNJANSKI BISKOP

Předslowo k pastyrskemu listej 2022 składnostnje krizy na Ukrainje

Lube sotry a lubi bratřa,

do poprawneho pastyrského słowa k póstnemu časej, kotryž sym runočasnje ze zahajenjom wójny na Ukrainje dokónčił, chcu Wam krótkodobnje džak wuprajić a Was posylnić.

Dlěje hač tydzeń wěmy, zo smy z wójnu na wuchodže Europy we wuwzačnym položanju. Wy džěci a młodostni dožiwiće přeni raz, zo je wójna nam tak bliska a nas znjeměrnja. Při tym njeje wójna nihdy rozrisanje a njesčini swět po tym ani kuska kmaňši. A hišće hórje: Štož je so před wjace hač tydženjom započalo, njebudže za tydzeń nimo. Naša solidarnosť budže dołho trěbna – dajće nas tež potom hišće tam hladać, hdyž budu medije zaso z druhich džělow swěta rozprawjeć.

Hižo profet Jeremia znaje Božu wěstosć: „Chcu wam nadžijepoľny přichod přihotować“ (Jer 29,11). W tychle dnjach dožiwjam, zo so tele slubjenje hižo zwoprawdza – we Wašej žiwej lubosći k blišemu. Štož móžach w Europje, w našim kraju, ale wosebje tež w našim Drježdžansko-Mišnjanskim biskopstwje na małych a wulkich iniciatiwach nazhonić, je wulkotne a dawa

mi naději. Spontana zberka pomocnych tvorow a transporty k hranicy, wjele darow, zwólniwosć, swójske štyri scěny čekancam wotewrěć, wobstajne zjawne demonstrowanje a modlenje tak mnohich ludži za měr su za mnje zazybolenje w swěće, kotryž so nam kaž čmowa nóc jewi. Spóznawam za tym žadosć mnohich za čłowjeskosću, solidarosću a zhromadnosću. Tole mi pokazuje, kak jara smy sej w hódnoće měrliweje a bjeznamócnjeje zhromadnosće bliscy.

Při tuchwilnych rozestajenjach je mi wažne, zo jako ludžo w zhromadnosći zwostanjemy – z ludžimi na Ukrainje, ale tež z ludžimi w Ruskej. Tuta wójna je wopak. Sankcije přećiwo nej su trěbne. Situacija ma so jasnje pomjenować a nadběhowar zwuzdźić. Ale dajće nam tež mosty k ludžom w Ruskej wobchować, kotřiž so za měr zasadźuja. Njedajmy so jako ludžo dobreje wole rozdwojić. Hida započnje we wutrobje, pokoj tohorunja.

Prošu Was, zo byšće so dale modlili a konkretnje pomhali. Tutu njedźelu wječor přeprašam wšitkich w 19.30 hodź. na wulku zoomowu konferencu pod titlom „Pomhać w časach krizy – ale kak?“, na kotrejž budžetej fachowči krajneje direkcije a Carity rozmyslować, kotra podpěra za Ukrainu a čekancow móhła w našich wosadach a na cyrkwinskih městnach zmysłapołna być. Informacije k tomu nańdžeće direktnje na startowej internetowej stronje našeho biskopstwa.

Wostańmy zwjazani!

Waš biskop + Heinrich